



Universitätsbibliothek Paderborn

**Carminvm Iacobi Albani Ghibbesii, Poetae Lavreati
Caesarei, Pars Lyrica**

Gibbes, James Alban

Romae, 1668

Carmen Secvlare: Pro Ecclesiæ Romanæ incolumitare, in anno lobiléi M.
DC. L. Cùm Innocentivs X. Pont. Max. portam sanctam more maiorum
solenniter aperiret.

urn:nbn:de:hbz:466:1-13378

Megæra flamas, flagra nec frustrâ intonat.
 CL. Tu flagra nobis, iura tu nobis Stygis
 Minitaris, improbe? iste te poscit crux,
 Tequè ad tribunal vrna Rhadamanthi vocat.
 AL. Vrna Rhadamanthi menè depositum reum?
 Quis te repente Stygius inuasit vapor?
 Aequo innocentem perfidus regem cœliens
 Terrere sperat iudice? Tribunal volens
 Adibo, & oris comprimam effreni minas.

CARMEN SECVLARE:

Pro Ecclesiæ Romanæ incolumitate,
 in anno Iobiléi M. DC. L.

*Cum INNOCENTIVS X. Pont. Max. portam sanctam
 more maiorum solenniter aperiret.*

 HRISTE, stellarumquè potens MARIA,
 Par patri summo caput, & secundum,
 Suplices audite bono rogati
 Tempore lustri:
 Quo sacræ Mosis voluere chartæ
 Virginum mistas pueris cateruas
 Debitam pompæ Superum sequaci
 Promere laudem.
 Viue fons, iugi scatebrâ reos qui
 Tingis, & purgas, opiferquè semper
 Laberis, præter nihil ire possis
 Purius Urbe.
 Diua, perplexæ Cynosura vitæ,
 Syrtibus deduc medijs clientes;
 Si matis stellam benè te vocamus,
 Si bene nati.

Virgo

Virgo seu dici pudibunda mayis,
AEmulam serues sine labe mentem;
Seu probas matrem, simili ferantur

Lege parentes.

Quinquiès quinos cupidæ per annos
Cantus ut plebi, redeatquè plausis,
Roma dūm terris generosa laxat

AEtheris arcam.

Tuquè non mendax aperire, IESV,
Fixa Tarpeio tibi tempa faxo,
Et fidem æternam fore, sic maneto, &

Frendeat Orcus.

Ruris immensas opulenta fruges
Terra miretur: pecoris magistri
Gaudеant longo numerare pinguem

Ordine fœtum.

Aëris tractum, iuuenes precamur,
Tabis immunem tuearis, ô Sol:
Dissipa crassas, perimus puellæ, Au-

tora, tenebras.

Ita, si vestrum est decus, ista sedes,
Vrbium princeps; Galilæa postquam
Turba promouit, præeunte Petro,

Signa salutis:

Missa pars vastas Orientis oras,
Pars & Occasum fidei docere
Tunc nouæ ritus; caput hocquè iussit

Noscere gentes:

O! iuuentuti graue pectus acri,
O! probis mortem senibus beatam;
Copiam lectis, & vtrumque robur

Cedite seruis.

Quiquè vos ruptâ stetit antè portâ
INNOCENS, farris coluitquè flore,
Hæc agat victam rabiem luporum

Cum grege Pastor.

Iam Palatinis operatur aris
Indus, & fallit prope Meçha Thracem;

Iam

Iam petent Scotti veniam cruentī

Nuper, & Angli.

Iam salus, & fas, & amor, timorquē

Primus, & virtutis honos reductæ

Luget, apportatquē Columba tuti

Fœdus Olympi.

Vltor, & spectandus hiantē plagā

CHRISTVS, elatusquē nouem chorēis,

Qui triumphali scelus omne mundi

Morte piauit,

Si videt casti iuga Vaticani,

Vber Aeneæ, populumquē dexter,

Prosperet gazam, solidoque mittat

Seçula cultu.

Quæque cādētēm premit Exquilmum,

Linei clamore MARIA cōetus

Plaudat, & pubi teneræ benignam

Commodet aurem.

His Deum votis, precibusquē Diuos

Nuncio allabi monitus, Quirites;

Nomen & CHRISTI catus, & MARIAE

Tollere vates.



AD